

مدیری : جلال ساهر

اداره خانه

استانبولده نور عثمانیه
جاده سنده ۴۰ نومرولی
« تورك يوردی »

پنجشنبه ۱۳ مارت ، ۱۳۳۰

پیل : ۱ صایی : ۴۹

پیلانی

عثمانلی مملکتی ایچون ۱۲ غروش
روسیه و عجمستان ایچون ۲ روبله
باشقه مملکتلر ایچون ۵ فرانق

صایسی ۱۰ پارایه

خالق د و غرر

هفته ده بر « تورك يوردی » طرفنره مبقاربلمر

بوصایمده کی یازیلر

الکتریقلی تراموای ناصل یوروپور : او یانیق شعر : اوصالومو خولو حکایه دن مابعد : مرعشلی اوغلی
هفته لق حوادث : خ . د

اوچنچی هوا یولجیلری :



طیاره جی سالم و کال بکلر



سنگ ده دامارک اوقانی طاشیر .

سگاده نوگونمک ، گولمک ياراشیر ؛

سگا « خداويردی » ایلخان دیدیلر !

بونى اویلامشدى قرقلر ، یدیلر ..

شرقلیلر ، غربلیلر کولهك ایدیلر :

تورک ، چونکه حکم ایتمک دیلر !

نوز تاگري ویرگیسی هانگی آلرده ؟

نهرده ، نه اولدی ؛ ایلخان ایللری ؟

چین ، ماچین نه اولدی ؟ آدی دیللرده

قالمادی ؛ قورودی جوشغون سیللری !

شیمدی سگا قالدی ، بونلری آگمق :

بیر کندیکى کور ! بیر اونلره باق !

هایدی اوغلام ؛ سن ده کندیکى کوستر ،

یوردك و بودونك چوق شیلر ایستر !

گولدور ، ملتکى ، شلهت یوردیکى ..

اڭ بویوک وظیفهك ! اونوتما بونی !

هایدی ، یاووز اوغلى ! اوغورلر اولسون ،

آناكك دیلهگى یرینى بولسون !

دیرلگك قوطلولوق ، سهوینجه دولسون ؛

آیاغك پیکار ، باشك گول اولسون !!

ارصار مروضلر



ملی حکایه

چاقیر اوغلان

باشی کچن صاییده

— بوراده کی ذخیره یی ده پایلاشیرسگیز .

دیدى . صوگرا قولهك دمیر قاپیسنی آچدیلر ،

ایجری یه گیردیلر . اون بش اون آلتی یاشنده اوچ قیز بر

کوشه یه اوطورمش آغلا یورلردی . ایچلرندن بری پک

گوزمادی . چاقیر اوغلان بونی گورونجه گوکلدن عاشق

اولدی . الیاس فقیه صوردى :

— بونلر آخانك قیزلیمی ؟

اختیار کویلو دیدی که :

— خایر ، بونلر بزم قیزلریمزدن . . . یتیمشوب کلنلری

آغاگوروز ، ایچلرندن بگندکلرینی سیچر ، اڭ گوزمللرینی

« دمیرخان » گونده ریر ، اوته کیلری بوراده آلیقور .

اونلرله برقاچ گون ، برقاچ هفته ، برقاچ آی اگله نیر ،

صوگرا قوله دن چیقارارق بزم دلیقانلیلرله بونلری زورله

اوه ریر . شوگوردیگکیز گوزمل قیزی دها دون سچدی ،

« دمیر » گونده ره جکدی . نه آناسی ، نه باباسی وار ،

یتیم بر قیزجغزدر .

الیاس فقیه امر ایتمدی :

— بویکی قیزی آلوب بابالرینه ویریکیز . یتیم قیزی ده

امامك اوینه گونده ریکیز ، ییه جك ایچه جگنی بزوریه جگیز .

کویلولر قیزلری آلوب چکیلدیلر . اونلر آخیرلرده کی

اوکوزلری ، آنبارلرده کی ذخیره یی آلمقده اولسونلر ؛

بزگله لم « دمیرخان » آغاسنه ، حریف آلی آیاغی باغلی

قالمجه ، جان قورقوسيله ، تتره مگه باشلادی . تولومدن

قورتولمق ایچون نه یاپاجغنی دوشونیوردی تکرار قاپینك

آچیلدیغنی ایشیتدیگی وقت ، آرتیق اولدیريله جگنی ظن

ایده رك کندندن گچدی . نهایت گوزلرینی آچدی وآلی

آیاغی چوزولمش سربستهجه یاتمقده اولدیغنی گوردی .

قالقوب دیز اوستی چوکدی :

— آمان جانمه قیمايک .

ديه يالوارمغه باشلادی الیاس فقیه :

— هایدی قالق ، حصاره گیت ده گوردکلرینی

افندیگه خبر ویر . « قیز قارداشنى قاچیردیغك قوزوجی

اوغلو چاقیر اوغلان ، درت آرقاداشيله چیقمش ، سگا

میدان اوقویور . » دی .

دیدى ، وحریفی حصاره گونده ردى .

*

ولی دایى حکایه نك بوراسنه گلدیگی وقت ، صباح

یاقلاشمشدى . آشاغیسنی ایرتسی آقشام آکلاتمق

اوزره قالقدی ؛ هپ برلکده چیقوب اولرینه کیتدیلر .

مرعشلى ارغلى